

BAB 1 : PENGENALAN

Maklumat berkaitan latar belakang PDT Kuantan, penetapan dan pelaksanaan dasar integriti, governans dan tadbir urus PDT Kuantan.

LATAR BELAKANG ORGANISASI

- ✿ PDT Kuantan mula ditubuhkan pada 10 Ogos 1895 serentak dengan pelantikan Pegawai Daerah Kuantan yang pertama iaitu W.G Maxwell. Kuantan merupakan ibu negeri bagi negeri Pahang Darul Makmur yang merupakan pusat pentadbiran negeri.
- ✿ Bidang kuasanya tertakluk kepada hal ehwal pentadbiran kawasan dalam daerah Kuantan seluas 296,042 hektar persegi atau 2,690 km persegi meliputi tujuh (7) mukim dan 65 Jawatankuasa Keselamatan Kampung (JKKK).
- ✿ Pentadbiran PDT Kuantan diterajui oleh Pegawai Daerah dan dibantu oleh tiga (3) Ketua Penolong Pegawai Daerah bagi tiga (3) perkhidmatan teras iaitu Bahagian Pengurusan Tanah, Bahagian Pembangunan Daerah dan Bahagian Pengurusan Daerah.

LATAR BELAKANG ORGANISASI

1. Bahagian Pengurusan Tanah

Diketuai oleh seorang Ketua Penolong Pegawai Daerah (Pengurusan Tanah) dan bertanggungjawab untuk memastikan pengurusan tanah daerah Kuantan yang meliputi pembangunan tanah, pendaftaran tanah, pelupusan tanah, teknikal dan penguatkuasaan tanah serta hasil tanah dilaksanakan dengan teratur, cekap dan sistematik berdasarkan undang-undang dan peraturan berkuat kuasa semasa selaras dengan strategi pembangunan daerah, Negeri dan Negara.

2. Bahagian Pembangunan Daerah

Diketuai oleh Ketua Penolong Pegawai Daerah (Pembangunan Daerah) dan bertanggungjawab memastikan pelaksanaan projek pembangunan luar bandar di daerah Kuantan adalah selaras dengan peraturan berkuat kuasa semasa selaras dengan strategi pembangunan daerah, Negeri dan Negara dalam memenuhi keperluan masyarakat luar bandar.

LATAR BELAKANG ORGANISASI

3. Bahagian Pengurusan Daerah

Diketuai oleh Ketua Penolong Pegawai Daerah (Pengurusan Daerah) untuk memastikan tadbir urus kewangan, perolehan, sumber manusia dan pentadbiran PDT kuantan dilaksanakan secara efisien dan cekap mengikut prosedur/ tatacara/ pekeliling berkuatkuasa semasa. Bahagian ini juga bertanggungjawab memastikan pengurusan majlis keraian daerah dilaksanakan secara teratur.

Alamat Premis

Pejabat Daerah dan Tanah Kuantan
Bangunan Pejabat Daerah dan Tanah
Kuantan

Bandar Indera Mahkota
25990 Kuantan

Pahang Darul Makmur

Tel : 09-5712400 Faks : 09-5712500'

Emel : pdktn@pahang.gov.my

Website : <http://pdtkuantan.pahang.gov.my>

VISI

Menjadikan Pejabat Daerah dan Tanah Kuantan sebagai sebuah organisasi terbilang melalui penyampaian perkhidmatan yang cekap dan berkualiti ke arah kemajuan dan kesejahteraan Daerah Kuantan.

MISI

Mengurus pentadbiran daerah dan tanah dengan cekap, adil dan berkesan secara berterusan seiring dengan dasar-dasar kerajaan.

OBJEKTIF

Merancang dan mentadbir serta melaksanakan dasar-dasar kerajaan dengan cekap dan berkesan secara bersistematik mengikut undang-undang yang berkenaan selaras dengan dasar pembangunan daerah, negeri dan negara.

TAGLINE

'Proaktif, Transformasi, Dedikasi'

DASAR INTEGRITI DAN TADBIR URUS NASIONAL

Dalam menuju ke arah status negara maju dan berpendapatan tinggi, agenda pembanterasannya telah menjadi keutamaan negara. Untuk itu, beberapa inisiatif utama di peringkat nasional telah dibangunkan bermula dengan Pelan Integriti Nasional (PIN) 2004, Pelan Transformasi Kerajaan (GTP) 2010, Pelan Transformasi Kerajaan 2.0 (GTP 2.0) 2012, dan yang terkini Pelan Antirasuah Nasional (NACP) 2019-2023.



DASAR INTEGRITI, GOVERNANS DAN ANTIRASUAH PDT KUANTAN

1

Pejabat Daerah dan Tanah Kuantan (PDT Kuantan) komited untuk melaksanakan SIFAR TOLERANSI TERHADAP RASUAH selaras dengan komitmen Kerajaan untuk mencapai aspirasi agar Malaysia dikenali kerana integriti dan bukannya rasuah.

2

PDT Kuantan komited untuk mengambil langkah-langkah yang sewajarnya untuk pemantapan integriti, governans dan antirasuah di dalam pentadbiran organisasi dan penyampaian perkhidmatan awam.

PEJABAT DAERAH DAN TANAH KUANTAN
KOMITED MELAKSANAKAN

SIFAR TOLERANSI TERHADAP

RASUAH

■ Kami Tidak Meminta/ Menerima Rasuah!

■ Kami Tidak Menawar/ Memberi Rasuah!


■ Kami Tidak Membuat Tuntutan Palsu!

■ Kami Tidak Menyalahgunakan Jawatan/ Kedudukan!



PELAKSANAAN DASAR INTEGRITI DAN TADBIR URUS PDT KUANTAN

1. PDT Kuantan sentiasa menyokong usaha Kerajaan dalam membanteras rasuah. Bagi tujuan ini, PDT Kuantan telah mengambil langkah-langkah selari dengan dasar dan tadbir urus nasional seperti berikut:



ISU DAN CABARAN MENANGANI RASUAH

1. Berdasarkan trend rasuah di Malaysia dalam tempoh lima (5) tahun kebelakang (2013-2018), sektor awam dilihat sebagai sektor yang paling berisiko mengamalkan rasuah.
2. Terdapat enam (6) bidang berisiko yang disenaraikan di dalam NACP 2019 iaitu:
 - a) Tadbir Urus Politik
 - b) Pentadbiran Sektor Awam
 - c) Perolehan Awam
 - d) Perundangan dan Kehakiman
 - e) Penguatkuasaan Undang-Undang
 - f) Tadbir urus korporat
3. Antara isu dan cabaran dalam menangani rasuah di PDT Kuantan adalah seperti berikut:



PENILAIAN RISIKO RASUAH/ CORRUPTION RISK ANALYSIS (CRA)

1. Penilaian Risiko Rasuah (CRM)/ Corruption Risk Analysis (CRA) telah dilaksanakan bagi mengenalpasti risiko-risiko berkaitan integriti, governans dan antirasuah di PDT Kuantan yang mungkin akan menjejaskan kualiti penyampaian perkhidmatan awam dan seterusnya mencalarkan imej PDT Kuantan.

2. Mekanisme yang digunakan adalah seperti berikut:
 - a) Menganalisis isu dalaman dan luaran setiap prosedur kerja dan mengenalpasti isu dalaman dan luaran yang berpotensi mewujudkan risiko rasuah.

 - b) Data-data dalaman organisasi seperti aduan, kes-kes tatatertib, kajian kepuasan pelanggan dan Sistem Pengurusan Audit Nilai (SPAN).

 - c) Data-data daripada agensi luar seperti Laporan Ketua Audit Negara, SPRM dan Biro Pengaduan Awam.

BIDANG-BIDANG BERISIKO

1. Berdasarkan penilaian, PDT Kuantan mengenalpasti tiga (3) bidang utama yang berisiko seperti berikut:

1

**PENTADBIRAN
SEKTOR AWAM**

2

**PEROLEHAN
AWAM**

3

**TADBIR URUS
KORPORAT**